

INUIT ATAQATIGIIT INATSISARTUNI



Nuuk 30. August 2026

UKA2026/403

Naqqiut

Siunnersuut 11. august 2026-meersoq taarserpaa

Inatsisartut Suleriaasianni § 33 naapertorlugu aalajangiiffisassatut siunnersuut imaattoq matumuuna saqqummiuppara:

Kræftimik nappaateqarnermik pasitsaasisoqartillugu aqqissuussinermik eqqussisoqarnissaanik Naalakkersuisut peqquneqarnissaannik Inatsisartunut aallajangiiffisassatut siunnersuut, tamatuma kingorna napparsimasut Rigshospitalimi erngertumik misissortinnissaannik innersuunneqartalerlutik.
(Inatsisartunut ilaasortaq Mimi Karlsen, Inuit Ataqatigiit)

Tunngavilersuut:

Napparsimasut kræfteqalerasugisat sukkanerpaamik paasineqarnissaat pisariaqarpoq. Piffissaq katsorsartinnissamat sivikinneruppat annannissaq ajorunnaarnissarlu periarfissaqarneruvoq.

Sinerissami avinngarusimasumi, Nuummut ungasilluni nakorsiarneq pisarioqaaq. Avinngarusimasuni amerlasuutigit nakorsat paarlaasuusarput taarseraattupilussuullutillu. Tamanna peqqutaallunissaq kræfteqalersut amerlasuut kingusippallaakkut paasineqartarput, uggornaraluartumillu arlallit kingusinaartumik paasineqartarlutik.

Sinerissamiit Nuuliarniartarneq ajornaatsuunngilaq. Sapernunerit illoqarfimni allani unnuisaqattaarnerit pisinnaasarput. Tamanna napparsimasumut pisarioqaaq nukimillu atuinaqaluni, aammalu peqqinnissaqarfimmut akisoqaluni.

Cancerregisteret aamma Dødsageregesteret, NORDAN (www.ancr.nu) allaaserineqarpoq nunani avannarlerni kræftemik toqusarneq kalaallit nunaanni annerpaajusoq.

Taakkuttaaq isumaqarput iliuuserisassat piviusumik ujartorneqartariaqartut. Kræftimik nappaateqarnermik pasitsaasisoqartillugu, ingerlaannartumik Rigshospitalimi misissortittalernissaq, taamalu qulaajaasoqarluni katsorsaannissamat pilersaarusiortoqarnissaa, periarfissanut ilaavoq.

Kisianni pingaarnerpaaq: kræfteqarasugisap piaartumik paasineqarnissaa, pilertornerusumillu katsorsartinnisaata aallartinneqarnissaa.

Taamaammat kræfteqarasugisat Sana-liarteqaarnagit Rigshospitalimut misissortigiartortarnissai siunnersuutigaara.

Pisortanut aningaasatigut allaffissornikkullu kingunerisassai:

<https://www.ism.dk> malillugu ukiumit Nunatsinni kræfteqlersartut 250 missaaniipput. Billet dk uterlugulu inuk ataaseq 10.000-qarpat, taava ukiumut misissortitsiartorneq 2.500.000kr -qassaaq.

Allaffissornikkut pilersaarusiornikkullu kinguneqaateqassaaq (ukioq ilivitsup nalinganik), taakkulu 500.000 kr-t missaaniipput.

Kalaallit Nunaanni innuttaasut qanoq amerlatigisut ukiumut kræftimik napaateqarnerannik pasitsaassivigineqartarnerannik misissorneqartarnerannullu kisitsisinngorlugu pisortani erseqqissumik pigineqanngillat. Akerlianik nunani avannarlerni kræftimut databasemi NORDCAN-imi agguaqatigiissillugu **ukiumut kræfteqartut 250 missaanniittut nutaat nappaataat suussusersineqartartoq** peqqissuseq pillugu paasissutissat nutaanerpaat takutippaat.

Ukiumut inuit 250-t kræfteqartutut paasineqartarnerat tunngavissaatikkaanni, taavalu kræftimik nappaateqartutut pasineqartut marloriaataallutik, taava aningaasatigut kinguneqaatit ukiumut 5.000.000 kr-iussapput.

Namminersortunut aningaasaatigut allaffissornikkullu kingunerisassai:

Namminersortunut aningaasartuuteqassanngilaq

Innuttaasunut aningaasatigut allaffissornikkullu kingunerisassai:

Soqanngilaq.